

地 180.171
542

拉卜楞設治記

藏

劉郁芬題



拉卜塲設治記序

國有史邑有志里有來所以知興替攷沿革也況乎地方之建設攷沿革之緣起不有撰著則文獻無徵其將何以垂遠甘肅循化縣屬之拉卜塲漢唐樸處風俗錮僿嘗思有以啟牖而改組之軍事倥傯未遑及此特委張君丁陽勲建設治局預為籌備不數月而疆界井然人民翕集旋即改設夏河縣治微張君留心治理設置有方曷克臻此茲出其所著拉卜塲設治記丐序於余是不獨纂修縣志之根據實亦改良政治之嚆矢也其所關不綦重哉余喜其詳盡而嘉其勤勞故樂為之序後之守斯土者當借鏡焉

拉卜塲設治記序

一

清苑劉郁芬



拉卜楞設治記序

昔讀唐人集怪其服官遠道每多悲愁憤悶之辭韓之于湖柳之
于永非必窮荒絕境友鹿豕而侶魚鼈也而其為文何其悲耶
豈荆揚之域可以容禹跡而不足以安韓柳也豈韓柳內之所
學外之所施祇宜于廟堂朝市而不宜于邊荒遐徼耶嗚
呼遠畧之不勤疆圉之凋削以人情之顛情致國是于萎靡此非其
大原歟龍上古稱邊塞拉卜楞尤番夷之所居其俗陋其地荒
其氣寒其物微比之于潮于永苦樂不可以道里計也昔之人以

拉卜楞設治記序

二

苟安之心行羈縻之術劃入近縣百年餘矣而其鄙陋如故也民國
十六年春今甘肅省政府主席劉公前甘肅省長薛公始檄設設治
局而以課長張君丁陽為之長張君來自名邦徧歷盛地凡夫燕趙
之繁華吳越之綺麗皆已飲于心而厭于目以情論之宜其鄙遠荒
為不足為聞命下而求去矣張君乃投袂而起奉檄而前至則審版
圖觀民風建官舍興學校整理財賦籌劃交通不數月而百政備舉
尤復孜孜改進樂此不疲直欲使伏處箐林之族與聲明文物之鄉
均衡而後快也賢豪之所為與文士異豈不信哉既而君調任外道

而拉卜楞亦隨改縣名以夏河華路檻縷以啟山林求蚡冒于今日君其選矣
今年冬君復調任平番既至省出其所為拉卜楞設治記示余其中分記輿
地政事民風財賦實業五綱各系以予目簡而核明而信蓋廢幾古所謂治
譜者彼昌黎鱷魚之文子厚山川之記詞非不工也而或以張皇幽渺或以
流連景物無關於化民成俗啟土開疆也視君所為孰得孰失識者宜有
辨焉余惟郁郁文明初原草昧每每田畝啟自蠻荒從來用夏變夷之業必
自賢豪之堅苦經營始今中國邊隅待闢之區不獨一拉卜楞也使皆得如君
者以圖之帝國主義之侵畧或可稍殺其勢乎讀君所記竊憾昔賢悲問之

非而有望于時賢之奮起也用書之以為序以譚觀者時在中華民國十七
年十二月鹽山楊慕時序

拉卜楞設治記序

君子之所至恒有勲業可考不必其歷時久遠即期月之間而其德其功其言往往繫於民物垂於竹帛為人所低回謳思遵循愛護歷百千年而弗替者如黃霸之於潁川杜詩之於南陽元德秀之於魯山張詠之於崇陽邵國賢之於許州古今無不盛稱而樂道之然其所處者率多天成地平之時及聲名文物之區其奏績也宜矣若拉卜楞者處甘肅西南之極邊地勢高寒不生五穀人民以畜牧為業且種族複雜風尚離奇居其地者以番民為最多次回民次漢民膚聚一隅知識膚淺

拉卜楞設治記序

四

衣則皮革食則酥酪居則毳幕剽悍蠻橫素好格鬪市集之頃動輒互毆甚則釀成仇殺相沿成習恬不為怪向屬循化治理亦徒有其名特羈縻之而已民國十六年春甘肅總司令今省政府主席劉公前省長薛公始檄令設拉卜楞設治局直隸省治任命總部軍法課長張君丁陽為局長惟時北伐尚未告成軍閥亦未剷除丁陽於戎馬倥傯致力革命之際奉令而至觀民風審地勢建官廨興學校整頓財賦提倡實業不數月間風行草偃治績斐然榛榛狉狉之地一變而為欣欣向治之邦較諸若黃若杜若尤若張若邵之有功平時馳譽達邑者

其難易之判殆有過之無不及也未幾丁陽遷臨洮因公來蘭出其所著
拉卜塆記記分輿地政事民風財賦實業五類類分細目凡五十一雖各
寥寥數語而於拉卜塆之山川形勢風俗民物及已往之歷史將來之計畫
無不瞭如指掌後之宰斯邑者欲求治理之方丁陽此記即其津梁焉固
贊數語以作紀念並即以為是記之序民國十七年十一月津沽鄭道儒
序於甘肅省政府教育廳

拉卜塲設治記序

河湟之地自秦漢時隸中國而河關以西灘水上游去枹罕才二百里迄未能有所開擴有清中葉始築城循化境場漸恢廓矣然拉卜塲猶為青海蒙古郡王所轄怙勢競權循化乃益多事其後雖割拉卜塲入循化而權歸僧寺但羈縻之而已入民國後拉卜塲始有駐軍乃更與僧寺相齟齬糾牽日多歷數歲弗息民國十六年春甘肅總司令今省政府主席劉公省長薛公始檄令設拉卜塲設治局直隸省城悉斷一切糾牽而張君丁陽以總部課長出任局事於是勦官舍興學校通行旅

拉卜塲設治記序

六

理財政數月間凡政事之應興革者靡所不舉治績燦然聞於遠近然後羈縻幕趨裘之衆肉食酪飲之倫皆漸有以明習我中原之文教欣欣而望治蓋拉卜塲宅居羌夷歷數千年至於今始同於郡縣豈非以其時哉已張君遷長狄道出所著拉卜塲設治記相視章分節次惟信惟明而張君所為政事與其所欲為而未及為者亦皆復詳哉言之繼自今其有從政於拉卜塲必將資鑑於是書可斷言也抑昔中國有事青海建樹城邑間代而有以余所聞蓋郡有西海河源澆河州有芳疊縣有洮源密恭常芬歸政城有合川臨番石堡源川神威大莫門城軍有安人九

曲白泉威戎然而時逝境移皆茫焉不復可考夫豈非騁一時之力而不以文教繼之故動而無成成而不能久也歟讀張君書數拳拳於教育知本之言可以為天下之言治者法也豈惟拉卜塔為然哉拉卜塔者地以寺得名也番又名札木奇爾寺清乾隆時賜名慧覺寺今改為夏河縣而張君書成於先故名仍其舊云中華民國十七年七月秋道張維序於

蘭州

自序

拉卜楞為番蒙服賈交易之所實青海西藏之門戶也向為青海郡王所轄前清中葉設廳治於循化而兼轄之實荒遠難御羈縻而已拉卜楞寺僧遂藉以伸張教權以武力轄制人民故多年以來陋風未改僧與民僅知誦經遊牧其教養刑政諸大端不惟非彼之所能亦並非彼所克知且慄悍好鬥日尋干戈偶有抵觸輒相仇殺致循化志載拉寺為政治上心腹之患蓋有由來抑亦缺於教化耳民國以還改廳為縣西甯鎮守使派軍隊駐防於此統兵者惟知用武且紀律不嚴與寺僧

時相競爭循化縣莫可誰何因之殘殺之案屢起而訟獄疊興幾乎不可終日以暴易暴勢至積不相能皇言治理哉十六年春總司令劉公省長薛公有意於治創設拉卜楞設治局蓋欲解決糾紛兼籌縣治之基礎丁陽因以不敏奉令治拉余於理案之餘周覽政察竊惟拉卜楞地雖偏小迺西北交通之要鍵實可為青海文明之原始而西藏開化之先導也於是先立學校以為教化之基復勸開墾以為養生之本至若其他應興應革無不因地利制宜凡所設施固不足以告無罪但無心自問才識所及之處未嘗不竭盡心力其不及舉行者亦因時勢所關未克如願耳


甫及一載未盡措施方將局治呈請改縣名曰夏河丁陽即奉令調署
狄道籌辦模範縣事粗具規模適遭匪患致政務又不克進行撫今追
昔能不慨然謹於督率民團防河剿匪之餘將在拉卜塆所歷政治風
俗狀況纂集成冊聊以誌憾且資後來者之鑑助云爾中華民國十七
年六月前拉卜塆設治局局長涑水張丁陽序於狄道縣署

拉卜楞設治局大門





拉卜塔設治局二門



拉卜土總稅局

拉卜土總稅局



拉卜土保安隊



勢 力 革 命 打 倒 列 強

拉卜土郵電兩局



西甯道尹林公烈夫張局長丁陽台集番僧講後話之攝影

